

IZVOD IZ TRANSKRIPTA SA 2. SJEDNICE SKUPŠTINE KANTONA ODRŽANE 24.12.2014. GODINE U KOJEM JE SADRŽANA RASPRAVA PO 1. TAČCI DNEVNOG REDA (NACRT ZAKONA O IZMJENI ZAKONA O ŠUMAMA)

BOJAN BOŠNJAK MINISTAR MINISTARSTVA ZA POLJOPRIVREDU, ŠUMARSTVO I VODOPRIVREDU

Dame i gospodo, ja vas sve srdačno pozdravljam i evo zahvaljujem se na uvodnim riječima. Svakako da svima koji su izabrani na zadnjim Opštim izborima 2014. godine želim uspješan rad, plodonosan rad, u naredne četiri godine i svakako da vam svima od srca želim, pored toga što sam rekao, i zdravlje i da predstavljate građane koji su vas izabrali na najbolji mogući način. Takođe, svima koji su izabrani danas u Dom naroda federalnog Parlamenta želim ono što sam rekao u prethodnom periodu ... u prethodnom ... u prethodnim rečenicama i predsjedavajućoj i njenim zamjenicima, takođe, da dobro obnašaju svoj rad. Što se tiče ovoga o čemu smo danas ... što je danas na dnevnom redu, svakako da je jedan zakon koji je možemo reći ... možemo reći kapitalan koji je prethodna Vlada, evo Vlada u odlasku, donijela i da je meni kao ministru bilo izuzetno čast da radim na ovom mjestu ministra za poljoprivredu, šumarstvo i vodoprivredu protekle dvije i po godine, nešto malo manje, ali evo otprilike to je taj period koji sam ja u Ministarstvu i da smo se trudili da maksimalno ispoštujemo ono što je potrebno i što su potrebe građana Ze-do kantona i svakako jedna od tih potreba je i ovaj Zakon o šumama koji smo donijeli u ovoj Skupštini prije nešto više od godinu dana. Što se tiče ovoga o čemu se radi, zapravo je vezano za jedan slučaj koji se desio nakon usvajanja Zakona 2013. godine, opštine Olovo i Vareš i pored razgovora i dogovora sa načelnicima odnosno rukovodstvom opština su pokrenule postupak pred Ustavnim sudom Federacije Bosne i Hercegovine o ... Postupak je bio vezan za ustavnost donošenja Zakona. Ustavni sud Federacije je razmatrao ovaj Zakon u svojoj proceduri i donio je odluku da nije Ze-do kanton, odnosno ova Skupština, prekršila Ustav i zakone koji vrijede u Federaciji i da je Zeničko-dobojski kanton u nepostojanju zakona na federalnom nivou bio u mogućnosti da donese jedan ovakav zakon i u tom dijelu podijeljenih nadležnosti svakako da smo mi ispoštovali sve ono što je bilo vezano za zakonske obaveze, odnosno, Ustav koji vrijedi ... trenutno vrijedi u Federaciji. Tako da u toj presudi koja je donesena i koju ste vi ... koju ste vi mogli pročitati i svakako i vidjeti u glasilima, a i svakako na ovom današnjem dnevnom redu, mogli ste vidjeti ono što je tražio Vareš nije razmatrano odnosno nije definisano ni presudom i da je presuda išla u smjeru da se ispravi jedan član 54. koji smo mi uradili, ispravili u ovome Prijedlogu. Ova ... ovaj slučaj koji je bio pred Ustavnim sudom bio je vezan za neke druge stvari, prije svega nadležnost nad gospodarenjem šuma i uspostavljanje najviše, naravno, uspostavljanje preduzeća koje će gospodariti šumama na području Kantona, ali Ustavni sud to nije vidio kao sporno i dio kompromisa, mog ... možemo tako reći bio je vezan samo za ovaj dio koji se odnosi na utrošak namjenskih sredstava po članu 54. dotičnog Zakona. Što se tiče tog člana, isto tako mogli ste vidjeti da je bio vezan za utrošak namjenskih sredstava gdje smo mi definisali zakonom da je neophodno da opštinske vlasti utrošak sredstava usmjeravaju na infrastrukturne objekte koji su vezani za šume i šumsko zemljište, odnosno za šumsku infrastrukturu, a ... i to su

našli za sporno u presudi Ustavnog suda i mi smo to izmijenili. Ovo što se sad dešava što je vezano za proglašenje, evo i vi ste to uradili, proglasili ste ovaj Zakon da ide u Nacrt, svakako da odstupa od osnovnog principa zbog čega se ovaj Zakon donosi, a to je ta brzina i ovaj dio koji se odnosi na ... na ispo ... poštovanje presuda Ustavnog suda. Mi smo bili u obavezi za 6 mjeseci da donesemo ispravke koje se odnose na tu presudu i ovo sad što ide u Nacrt će u mnogome usložniti donošenje ovog Zakona i vjerovatno je to i interes i cilj da ovaj Zakon koji je vitalni Zakon u oblasti šumarstva za Ze-do kanton, da se jednostavno stavi van snage, odnosno da ... da ne ... da ne doživi svoju bližu, a sigurno i skoriju budućnost. U međuvremenu dešava se situacija da u Federaciji nemamo zakona, evo to vas samo upoznajem zato da ... koji niste u oblasti, koji niste pratili dešavanja na političkoj sceni protekle četiri godine kada je oblast šumarstva u pitanju. Mi na području Federacije već duže vrijeme nemamo Zakon o šumama. Mi smo u tom slučaju i u međuvremenu pokrenuli upravo zbog toga i Zakon o šumama Ze-do kantona, jer su infrastrukturni objekti i sve ono što se dešava, a vezano je za razvoj, bili usporeni odnosno zaustavljeni u Ze-do kantonu i evo na svu sreću otkočili smo te procese. Međutim sadašnjim stanjem i ovim dešavanjem oko ovoga ... oko ovoga danas što se dešava na Skupštini smo došli u situaciju da sve ono što je bilo dobro i što je pokrenuto jednostavno bude zaustavljeno, jer nama krajem januara mjeseca ističe pravo na korištenje ovog Zakona jer ova presuda Ustavnog suda je bila definisana na 6 mjeseci od objave u Službenim novinama Federacije Bosne i Hercegovine i Zeničko-dobojskog kantona, a ta presuda ističe, odnosno, taj rok ističe krajem januara mjeseca. Nacrt Zakona predlaže odnosno predviđa i javnu raspravu koja će se voditi na području svih opština ponovo, a pri ... moram vas napomenuti da je to urađeno već jednim period ... u jednom periodu i da se tu nisu desili nekakve značajne ... značajna odstupanja, čak su šta više ispoštovane odluke tih javnih rasprava i mi smo u Zakon ugradili mogućnost osnivanja više preduzeća na području Kantona što je osnovni ustvari i motiv svih ovih priča danas oko Zakona o šumama. Tako da vi ... u izvornom tekstu Zakona o šumama Ze-do kantona stoji u jednom od članova da se mogu napraviti, čini mi se da je to član 5., znači, da šumsko-gospodarskim područjima Ze-do kantona mogu gospodariti šumama više od jednog javnog preduzeća, jel'. Tako da automatski sa ovim svim što se sad dešava imamo mogućnost odnosno imamo slučaj da će vjerovatno po sili prilika ovaj Zakon biti stavljen van snage i da ćemo čekati neki naredni saziv Vlade Ze-do kantona, neki saz ... naredni saziv Skupštine Ze-do kantona da usvoje novi zakon ili će se čekati ponovo federalni zakon koji nije izvijestan da će se desiti vrlo brzo i onda da imamo situaciju da ponovo otpočnemo stvari koje smo započeli evo proteklu godinu dana. Moram vas napomenuti, moram ... moram reći to, to je moja obaveza kao resornog ministra još uvijek u ovoj Vladi, da su mnogi projekti započeti, jednostavno ovim Zakonom bili obustavljeni i da su ponovo otpočeti kada smo usvojili Zakon i sve podzakonske akte, njih preko 20 koje smo usvojili tokom prošle i ove godine. To su, dakle, razumijemo se, infrastrukturni objekti od vodovoda, kanalizacija, puteva, građevinskih objekata svih namjena. Tako da je to nešto što je ... što je prisutno na terenu i što će biti veliki problem u narednom periodu. Otpočeli smo značajne procese zamjene šumskog zemljišta, prodaje šumskog zemljišta, pretvorbe šumskog zemljišta. Preko 50 % teritorija Zeničko-dobojskog kantona čine šume i šumsko zemljište i to je jednostavno žila kucavica koja ... koja je neophodna da se ... da se i dalje razvija. Nepostojanje federalnog zakona bez obzira što vam oduzimam vrijeme moram reći, znači, ovo je jedan vrlo, vrlo važan zakon za Ze-do kanton i evo

trudili smo se već dvije godine da ... da to bude intezivirano da se stvari pokrenu s mrtve tačke. Uspjeli smo u tome, nažalost evo imamo sad situaciju da zbog ovih dešavanja se dešavaju stvari koje su ... koje su negativne po ovaj Zakon, a moram reći da smo u međuvremenu uspjeti uspostaviti komunikaciju i sa ŠPD-om, pa obaveze koje su bile prema opštinama po osnovu prethodnih zakona i presuda koje su bile usmjerene prema Šumsko-privrednom društvu Kantona izmirivamo i da krenemo naprijed. Već smo prvu ratu od 2005. godine isplatili. Taj trend sigurno će biti obustavljen i sigurno će biti usporen u narednom periodu i ovim ... ovim najviše gube lokalne zajednice koje će ostati bez prihoda koje su vezane za Zakon koji je sad aktuelan. Tako da se nadam da ćete vi smoći snage i naredna Vlada da će uspjeti izdejsstvovati novi zakon, a da ćemo u međuvremenu preživjeti evo na način kako budemo znali i umjeli. Što se tiče procedure za ovaj Zakon i ovoga što se tiče oko ... presude Ustavnog suda, mi smo ispoštovali sve zakonske i ustavne obaveze. Mi smo na vrijeme otpočeli komunikaciju sa Savezom opština i gradova Federacije koji su bili po presudi obavezni da se uključe u realizaciju presude koja je bila donesena. Međutim nismo imali pozitivan odgovor od strane ovog organa i u više navrata i pismeno i usmeno to imate i u prilogu ovoga Prijedloga izmjena Zakona, nismo uspjeti uspostaviti komunikaciju i nisu odgovarali na naše dopise i na naše pozive, tako da mi nismo imali više vremena da čekamo šta će se desiti, da se oni smiluju i da se jednostavno sjednemo za jedan sto i da dogovorimo se oko ... oko stvari koje su vezane za presudu. Mi smo krenuli u proceduru i Vlada Kantona nedavno je donijela ovaj, ovaj Zakon. Ne bih htio da odem odavde sa ovog mjesta a da ne izrazim na kraju i zadovoljstvo što sam evo ja prvi ministar odnosno ova tačka jedna vrlo važna tačka je bila prva u vašem formalnom dijelu rada u vašem ... vašem novom ... vašeg 7. saziva Skupštine i nadam se da ćete u narednom periodu obratiti pažnju na sve oblasti koje Ministarstvo za poljoprivredu, šumarstvo i vodoprivredu pokriva. To je jedno vrlo ovako kvalitetno Ministarstvo, odnosno vrlo dosta živo i dosta problema ima, a i svakako dosta posla koje se treba uraditi i da će ovaj moj tako da kažem jedan ... jedan početni ... početni stav prema vama, novim poslanicima, biti taj koji će biti uvod u razmatranje svih tačaka koje će Ministarstvo za poljoprivredu, šumarstvo i vodoprivredu u narednom periodu predlagati vama i da ćete imati sluha i za poljoprivredu i sve ostale oblasti. Što se tiče ovog Zakona u Nacrtu svakako da će biti dosta rasprava o njemu, ali vjerujem da neće doći do novog Zakona odnosno da nećete ispraviti ove anomalije koje su vidljive kroz politiku koja se dešava na području Kantona u ovom periodu, a načelnici opština Vareš i Olovo svakako da neće biti zadovoljni nakon ovoga svega što se dešava jer ostat će bez tih prihoda, a nadam se da ćete u nekom periodu vla ... uspostavljanja vlasti na Federaciji imati priliku da razmatrate novi zakon. Ja vam se još jednom zahvaljujem i želim vam zaista uspješan rad. Hvala vam.

PREDSJEDAVALA DRAŽENKA SUBAŠIĆ

Zahvaljujem ministru Bojanu Bošnjaku. Gospodin Sinanović ... Otvaram raspravu o Nacrtu ovog Zakona. Gospođa Jupić, izvolite.

AMRA JUPIĆ

Ja zaista uvažavam sve što je gospodin ministar Bošnjak rekao za ovom govornicom. Međutim, da se opet ne bi ... evo vraćam se na početak danas onog drugog nastavka 1. sjednice, da se ne bi opet serviralo našoj javnosti, našim uvažanim građanima Zeničko-

dobojskog kantona da ovaj, kako Vi rekoste, žurni Zakon, vrlo važan Zakon, da će se prolongirati, je l', određene procedure. Ja opet hoću da vam kažem da je to bilo tako hitno, tako promptno, trebali ste misliti o tome ... ovaj prošli saziv Skupštine Zeničko-dobojskog kantona. Ne vidim razlog zašto se nisu sazivale sjednice. Vidimo kad je odluka Ustavnog suda donešena, gospodine Bošnjak. Poštujem sve što ste kazali, sigurno sa dobrom namjerom, da me ne shvatite pogrešno, ali želim da javnost zna ako je to bilo u šestom mje ... 13.05.2014. godine, imali smo 6, 7, 8, 9, 10, 11 i mi smo sada u 12 mjesecu. Odjednom, naprasno, neko želi ovdje za ovom govornicom da servira javnosti da je to nešto hitno, da će propasti, da neće ugledati svjetlo dana. Ma nije tačno! Imamo vremena, po ovom kad je izašlo u Službenim novinama Zeničko-dobojskog kantona, imamo roka do februara. Ako moje kolege uvažene, zastupnici, smatraju da je nešto hitno, da je nešto bitno, da je nešto važno, e Boga mi, jedna trećina zastupnika ima po Poslovniku pravo da sazo ... saziva Skupštinu. Dakle, nije morao predsjedavajući gospodin Sretko Radišić sazvati Skupštinu, pa da se ovo pitanje ... Razumijem ja ovo što je gospodin aktuelni premijer rekao, gospodin Husejnagić, kolega zastupnik, što je rekao da su stalno u kontaktima bili sa drugim općinama i da je to možda na neki način uticalo ... Samo da vas pitam, član 54. apsolutno ne bi trebao biti sporan. Neću da se miješam u to šta su željeli načelnici Vareša ili Olova. Po meni, interes lokalne zajednice bi bio ugrožen ili narušen ili bi bili u diskriminaciji ako bi se pare recimo evo kažem Varešu namjenjene dodijelile zavidovičkoj općini ili Zavidovićima pa se usmjerile na Žepče, Olovo ili Maglaj. Tada je ... tada je ... ne vidim ništa sporno i neću da oduzimam vrijeme, ali i hoću. Zato smo izabrani, zato su nas ljudi htjeli, pa bujrum ko hoće nek' sluša, ko neće ne mora. Član 54. apsolutno nije sporan. Treba ga pročitati, pa vidjeti ta namjenska sredstva šta je tu sporno, zašto da ne idu u ovo što i treba da idu: u obuku, u edukaciju, u opremanje vatrogasnih jedinica. Zaista, aps ... u infrastrukturu svake općine. Jedino ako neki načelnici i općinska vijeća ne žele da to upumpaju negdje drugo, ta sredstva, pa da manipuliraju s njima onako kako oni žele. Apsolutno ne vidim ništa sporno ni u mojoj primjedbi. Dakle, ostajem pri tome. Klub SBB u ovom 7. sazivu će uvijek biti po skraćće ... protiv skraćenih procedura i postupaka, osim u slučaju da to ozbiljno ugrožava interese građana Zeničko-dobojskog kantona. Dakle, uvijek ćemo biti i ne znam šta je neopaženo, međutim nama nije prošlo neopaženo i zaista nek' se obrati pažnja malo i neću pozvati kolege, jer ja vidim kolege i znam odakle dolaze i iz kojih branši i koja je ozbiljnost u pitanju. Znam da ćemo sigurno biti ozbiljni i raditi u interesu građana Zeničko-dobojskog kantona. Ono što je hitno, ono što je bitno ima da se sazove sjednica. Nema izgovora! Općinsko vijeće, evo moj kolega Avdić sjedi, uvaženi, tu u ovom sazivu zna da je Općinsko vijeće Zavidovići i u desetom mjesecu imalo opć ... sjednicu Općinskog vijeća. Molim vas lijepo, zašto to nije uradio i prošli saziv, pa da se nešto i promptno rješava? Hvala lijepo.

PREDSJEDAVALA DRAŽENKA SUBAŠIĆ

Zahvaljujem. Da li se još neko javlja za raspravu? Izvolite, Bojane.

BOJAN BOŠNJAK MINISTAR MINISTARSTVA ZA POLJOPRIVREDU, ŠUMARSTVO I VODOPRIVREDU

Pošto je vrlo onako jedna široka oblast, ja ne bih htio sad da vam ... da vam pridike držim ili bilo šta tog tipa, ali morate biti svjesni da je jedan zakon koji je vitalan za

funkcionisanje sistema kao što je Zakon o šumama jednostavno neophodan da bude prisutan u životu svih nas na području našeg kantona i moram vam reći da je to bilo mukotrпно da donesemo uopšte jedan ovakav zakon. Mislim, razumite situaciju da je situacija u Federaciji vezano za Zakon o šumama koji je među najvažnijim zakonima već u zastoju već nekoliko godina. Četiri godine zadnjeg mandata nije se uspio federalni Parlament i Vlada usaglasiti oko tog Zakona. Mi smo bili prinuđeni ... ovo je jedno prinuđeno rješenje, jedan bajpas koji smo mi htjeli da uradimo na području Kantona, da ne stane život koji je stao bio do 2013. godine. A to šta je vezano za član 45. odnosno 54., oprostite, on nije sporan, nije to nikakav sad ... nije nikakva dilema. Taj član je sporan i to je rekao Ustavni sud Federacije, gospođo. Znači, taj član smo mi promijenili. Mi smo ga izbrisali. Mi ne možemo definisati opštinama gdje će oni pare trošiti. To je znači to, što se tiče toga. I to je jedina izmjena ovog Zakona, odnosno to je jedina obaveza koju smo mi imali prema presudi da ispoštujemo ... prema presudi Ustavnog suda i mi smo je uradili. E sad ove druge stvari koje se u međuvremenu pojavljuju vezano za ... stvari koje su vezane za sječu šume, za gospodarenje, za prodaju, za ... za upravljanje generalno resursom šumarstva, eh to je sad sporno i tu sad politika odigrava ... igra važnu ulogu, je l'. To je ono što je ... što je definisano i kroz amandman kojeg ste vi dobili u ... koji nije bio formalno-pravno ispravan, je li, ne mogu načelnici opština po pravilniku Skupštine 133. član ne mogu ga ... ne mogu ga oni podnijeti. Tako da ste mogli neki od vas podnijeti taj amandman i on bi se razmatrao u ovom dijelu. Što se tiče toga da je u 12 mjesecu došao ovaj Zakon na ... na dnevni red, pa došao je zato što je presuda Ustavnog suda objavljena u Službenim novinama Federacije i tek od vremena kada je u Službenim novinama kantona objavljen, to je objavljen nekad krajem sedmog, u osmom mjesecu, on se počinje primjenjivati. Mi od tog perioda vršimo intenzivno raspravu sa ljudima, odnosno pokušavamo vršiti raspravu s ljudima s kojima smo trebali to raditi. To je Savez opština i gradova Federacije. Ne možemo uspostaviti u ovom periodu sa njima saradnju i mi se bez ikakvog, je li, dvoumljenja odlučujemo na to da ipak iako nema odgovora od njih kao nadležnih ljudi koji će definisati ovaj Zakon o lokalnoj samoupravi koji je povrijeđen u ovom dijelu, mi se odlučujemo da pokrenemo proceduri i upravo smo u toj proceduri došli evo u ovom periodu sad. Tako da s te strane nije to nikakva ... nije nikakvo prepadanje građana Ze-do kantona. To su fakti. To su činjenice da mi javnu raspravu po Nacrtu Zakona ne možemo završiti za mjesec dana i ne možemo pripremiti Prijedlog Zakona koji će biti u roku koji je definisan ovim presud ... rokovima koje je definisao Ustavni sud i to je jedan fakt i to je sad situaciju imate danas da će Zakon o šumama doživjeti svoj krah. Jednostavno neće biti primjenjivan do momenta jer se neće moći provesti javna rasprava i sve ono što je zakon definisao kada je donošenje zakona u pitanju i s tim u vezi svakako da bilo koji ministar koji dođe u narednom periodu će morati razmisliti o tome da li pokretati ponovo zakon ili se čeka zakon ... ili da se čeka zakon na federal ... na federalnom nivou koji sigurno neće biti donesen u ovoj godini. To je mislim evidentno jer je to jedna oblast koja je poprilično onako komplicirana za ... za ... za razmatranje jer da je drugačije do sada bi se to uradilo. Evo ja sam samo htio to pojašnjenje da dam. Hvala.